



**Ўзбекистон Республикаси Олий
Мажлиси Қонунчилик палатасининг
СПИКЕРИ**

Кенгаш аъзоларини таништириш учун
Фракция раҳбарларига,
У.Иноятовга (масъул),

М.Миралимовга. (масъул)
Д. Румоев (масъул)

Давлат дастури лойиҳаси бўйича
сайлов округларида тарғибот ишларини
ташкил этиш чораларини кўриш учун

Н.Исмоилов

2021 йил 18 январь
№ 212-сонга



NAZORAT

O'ZBEKISTON RESPUBLIKASI
PREZIDENTI ADMINISTRATSIYASI
RAHBARI

100163, Toshkent shahri, Mustaqillik maydoni, 6

2021 yil « 18 » январь 02-182 son

Олий Мажлис палаталари
(Т.Нарбаева, Н.Исмоилов)

Бош вазир ўринбосарлари
ва маслаҳатчилари
(А.Раматов, Ж.Қўчқоров, С.Умурзоқов,
Б.Мусоев, Ш.Ғаниев, А.Абдухакимов,
О.Умаров, М.Хайриддинов)


Адлия вазирлиги
(Р.Давлетов)

вазирлик ва идоралар
(рўйхат бўйича)

Давлат Раҳбарининг 2020 йил 29 декабрдаги Олий Мажлисга Мурожаатномасида белгиланган вазифалардан келиб чиқиб, **“2017 – 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Ёшларни қўллаб-қувватлаш ва аҳоли саломатлигини мустаҳкамлаш” йилида амалга оширишга оид давлат дастури тўғрисида”**ги Ўзбекистон Республикаси Президенти Фармони лойиҳаси Вазирлар Маҳкамаси томонидан ишлаб чиқилди ва жамоатчилик муҳокамасидан ўтказиш учун 2021.strategy.uz, jamoatchilik.uz, regulation.gov.uz порталларига жойлаштирилди.

Лойиҳани кенг жамоатчилик муҳокамасидан ўтказиш, фуқаролар ва экспертлардан келиб тушадиган асосли таклифларни инobatга олган ҳолда уни янада такомиллаштириш ва лойиҳада белгиланган чора-тадбирлар юзасидан аҳоли орасида кенг тарғибот ишларини ташкил этиш мақсадида:

вазирлик ва идоралар – ўз йўналишларидан келиб чиқиб, лойиҳа юзасидан порталга келиб тушадиган фикр-мулоҳазаларни “Тараққиёт стратегияси” маркази билан ўз вақтида ва сифатли таҳлил қилиб борсин ҳамда ўз таклифларини **2021 йил 23 январга** қадар Адлия вазирлигига умумлаштириш учун тақдим этсин;



Адлия вазирлиги – 2021 йил 25 январга қадар порталга келиб тушадиган, шунингдек вазирлик ва идоралар томонидан тақдим этиладиган таклифларни саралаб, Вазирлар Маҳкамасига киритсин, ҳудудий бўлинмалари томонидан жойларда аҳоли орасида лойиҳа бўйича кенг тарғибот ишларини ташкил этилишини, унинг мазмун-моҳиятини жойлардаги масъул раҳбарларга етказилишини таъминласин;

Бош вазир ўринбосарлари ва маслаҳатчилари – 2021 йил 26 январга қадар Вазирлар Маҳкамасининг тегишли котибиятлари ва департаментлари билан биргаликда лойиҳада белгиланган масалаларни қайта кўриб чиқсин, Адлия вазирлиги томонидан умумлаштирилиб киритилган таклифларни кенг муҳокамадан ўтказиб, лойиҳани янада такомиллаштириш бўйича аниқ таклифларни Ўзбекистон Республикаси Президенти Администрациясига киритсин, лойиҳа юзасидан оммавий ахборот воситаларида чиқишлар қилиш орқали унинг мазмун-моҳиятини фуқароларга халқчил тилда етказсин;

Ахборот ва оммавий коммуникациялар агентлиги, Миллий телерадиокомпания, “Тараққиёт стратегияси” маркази, “Юксалиш” умуммиллий ҳаракати – лойиҳада назарда тутилган вазифалар ва чора-тадбирларнинг оммавий ахборот воситалари ва Интернет тармоғида кенг тушунтирилишини, маълумотларнинг жамоатчиликка тезкорлик билан етказилишини таъминласин;

Олий Мажлис палаталарига депутат ва сенаторлар томонидан ўз сайлов округлари ва ҳудудларида лойиҳанинг мазмун-моҳияти, уни амалга ошириш механизмлари, назарда тутилаётган ислохотлар натижасида фуқаролар ҳаётида содир бўладиган ижобий ўзгаришлар тўғрисида тарғибот ишлари ўтказилишини таъминлаш тавсия этилсин.

Р.А.Ғуломов, Б.М.Мавлонов ва Н.Д.Тойчиевга – назорат


З.Низомиддинов